

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona, broj: 7/10), a u skladu sa Programom utroška budžetskih sredstava od koncesija u 2016. godini, usvojenim Zaključkom Vlade Zeničko-dobojskog kantona, broj: 02-14-10282/16 od 20.05.2016. godine, Vlada Zeničko-dobojskog kantona, na 56. sjednici, održanoj 20.05.2016. godine, d o n o s i

ZAKLJUČAK

I.

Usvaja se Uputstvo o postupcima i kriterijima za odobravanje i dodjelu sredstava namijenjenih sufinansiranju troškova projektovanja, utopljavanja i certifikacije energetske efikasnosti javnih građevinskih objekata (škola) na području Zeničko-dobojskog kantona, koje čini sastavni dio ovog Zaključka.

II.

Za realizaciju poticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

III.

Zaključak stupa na snagu danom donošenja.

Broj: 02-_____ /16.

Datum, 20.05.2016. godine

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu

1x Ministarstvo finansija

1x a/a



**UPUTSTVO
O POSTUPCIMA I KRITERIJIMA
ZA ODOBRAVANJE I DODJELU SREDSTAVA
NAMIJENJENIH SUFINANSIRANJU TROŠKOVA PROJEKTOVANJA, UTOPLJAVANJA
I CERTIFIKACIJE ENERGETSKE EFIKASNOSTI JAVNIH GRAĐEVINSKIH
OBJEKATA (ŠKOLA) NA PODRUČJU ZENIČKO-DOBOJSKOG KANTONA**

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO
O POSTUPCIMA I KRITERIJIMA
ZA ODOBRAVANJE I DODJELU SREDSTAVA
NAMIJENJENIH SUFINANSIRANJU TROŠKOVA PROJEKTOVANJA, UTOPLJAVANJA
I CERTIFIKACIJE ENERGETSKE EFIKASNOSTI JAVNIH GRAĐEVINSKIH
OBJEKATA (ŠKOLA) NA PODRUČJU ZENIČKO-DOBOJSKOG KANTONA**

UVOD

Pojam energetske efikasnosti predstavlja racionalno korištenje energije, kroz smanjenu potrošnju energenata. Bit energetske efikasnosti znači upotrijebiti manju količinu energije (energenata) za obavljanje istog posla-funkcije (grijanje ili hlađenje prostorija, rasvjetu, proizvodnju raznih proizvoda, pogon vozila i dr.). Energetska efikasnost se trenutno tretira kao najjeftiniji i najbrži način postizanja ciljeva razvoja.

Poboljšanja energetske efikasnosti doprinose smanjenju štetnih emisija u okoliš, većoj industrijskoj konkurentnosti, otvaranju novih radnih mjesta i povećanju sigurnosti opskrbe energijom.

Nakon usvajanja odgovarajuće legislative na federalnom nivou stvoreni su preduslovi za certifikaciju energetske efikasnosti građevinskih objekata.

1. CILJ POTICAJA, IZVORI I NAMJENA SREDSTAVA

Cilj ovog projekta je stimulacija institucija na uređenju javnih građevinskih objekata po principu energetske efikasnosti.

Sredstva za sufinansiranje troškova utopljanja javnih građevinskih objekata i certifikacije energetske efikasnosti obezbjeđena su u Budžetu Kantona za tekuću godinu, utvrđena prema ekonomskom kodu 614 100, subanalitika IAD002- Realizacija projekata Vlade Kantona koji se finansiraju iz prihoda od koncesija, planirana u Programu utroška budžetskih sredstava od koncesija. Ovim sredstvima dodat će se i sredstva namijenjena za kapitalna ulaganja Ministarstva za obrazovanje, kulturu i sport ZDK.

Odobrenim sredstvima finansira se dio troškova nastalih u procesu pripreme objekta za certifikaciju i sam proces certifikacije, te utopljanja.

2. KORISNICI

Korisnici sredstava, prema ovom programu, su vlasnici javnih objekata od interesa za Kanton koji za izgrađeni građevinski objekat obezbijede projektnu dokumentaciju za utopljanje i sertifikat energetske efikasnosti u skladu sa propisima Federacije Bosne i Hercegovine.

Pod građevinskim objektom od interesa za Kanton, a u duhu ovog projekta, podrazumijeva se građevina s krovom i zidovima u kojoj se koristi energija radi ostvarivanja određenih klimatskih uslova, namijenjena za boravak ljudi za koji vlasnik posjeduje upotrebnu dozvolu.

Prioritetno sufinansiranje će biti realizirano za utopljanje školskih objekata. Projekat će biti realiziran na način da će u svakoj ili određenom broju općina biti izabrana jedna škola, zavisno od obezbjeđenja finansijskih sredstava i energetske uštede.

U duhu prethodnog, tokom 2015. godine na Javni poziv je apliciralo 19. subjekata, od kojih je odabrano 10. za realizaciju poticaja u I fazi i 5. za realizaciju poticaja u II i III fazi, te se ovo Uputstvo odnosi isključivo za okončanje prošlogodišnjeg Javnog poziva.

3. IZNOS SREDSTAVA I KRITERIJ

Građevinski objekti, u duhu ovog projekta, svrstani su u osam energetske razreda prema energetske ljestvici od A+ do G, s tim da A+ označava energetske najpovoljniji, a G energetske najnepovoljniji razred. Energetske razred objekta iskazan je u energetske efikasnosti.

Prioritet kod izbora objekata imat će onaj školski objekat kod kojeg će se ostvariti veći finansijski efekti nakon utopljanja.

Utopljanje, u duhu ovog projekta, su građevinske aktivnosti koje se realiziraju na zidovima, prozorima i krovu objekata.

Energetske razredi objekata dati su u sljedećoj tabeli:

ENERGETSKI RAZRED	SPECIFIČNA GODIŠNJA POTREBA TOPLOTNE ENERGIJE ZA GRIJANJE U kW/m ²
A+	≤ 15
A	≤ 45
B	≤ 95
C	≤ 135
D	≤ 185
E	≤ 225
F	≤ 270
G	> 270

Maksimalni iznos sredstava po jednom objektu (uz mogućnost prenosa troškova po fazama) je 100.000 KM.

4. POSTUPAK REALIZACIJE

Nakon usvajanja Programa utroška sredstava, Ministarstvo za privredu imenovalo je Komisiju za realizaciju ovog projekta, koja će na osnovu uredne aplikacije ***prema Javnom pozivu iz 2015. godine*** predložiti Ministarstvu donošenje Odluke Vlade o dodjeli sredstava prema sljedećim fazama:

I FAZA – ENERGETSKI AUDIT

Vrsta aktivnosti: - Izvođenje energetske audita
- Izrada predmjera i predračun radova

Maksimalni iznos za sufinansiranje ovih aktivnosti je 10.000,00 KM po auditu.

Maksimalni broj podržanih audita je 10 po godini.

Kriterij izbora objekta (škole): ekonomski najisplativije ulaganje utvrđeno auditom.

Sufinansiranje će biti realizirano nakon dostavljanja urednog Zahtjeva direktora škole odnosno vlasnika školske objekta, te po donošenju Odluke Vlade Kantona o dodjeli sredstava za prethodno izabrani školski objekat.

Uredan Zahtjev sadrži original ili ovjerene kopije:

- Upotrebnu dozvolu za objekat;
- Odluku Školskog odbora o pristupanju realizaciji utopljavanja školskog objekta;
- Izvještaj o energetsom auditu školskog objekta sačinjen od ovlaštenog organa sa predmjerom i predračun radova;
- Odluku o izboru najpovoljnijeg ponuđača za obavljanje energetske audita.

Transfer sredstava u punom iznosu će biti realiziran prema Izvođaču energetske audita.

Sredstva će se isplatiti samo za one škole koje dostave uredne račune Izvođača. Zbog trezorskog poslovanja neće biti refundacije za već plaćene račune.

II FAZA - UTOPLJAVANJE

Vrsta aktivnosti:

- Izrada Projekta utopljavanja
- Izvođenje pripremni radova za utopljavanje
- Izvođenje limarskih radova
- Izvođenje fasaderskih radova
- Izvođenje krovopokrivačkih radova

Maksimalni iznos za sufinansiranje ovih aktivnosti je 80.000,00 KM.

Maksimalni broj sufinansiranih objekata (škola) je 5 po godini.

Sufinansiranje će biti realizirano nakon dostavljanja urednog Zahtjeva od strane direktora škole, odnosno vlasnika školskog objekta, te po donošenju Odluke Vlade Kantona o dodjeli sredstava za realizaciju utopljavanja školskog objekta.

KORAK 1:

Vrsta aktivnosti:

- Izrada projektne dokumentacije za utopljavanje
- Izvođenje radova utopljavanja školskog objekta (pripremni radovi, limarski radovi, fasaderski radovi i krovopokrivački radovi)
- Dozvola za izvođenje radova izdata od nadležnog organa

Maksimalni iznos finansijskih sredstava za realizaciju Koraka 1 je 40.000,00 KM.

Uz Zahtjev za sufinansiranje aktivnosti u Koraku 1 dostaviti original ili ovjerenu kopiju:

- Odluke o izboru najpovoljnijeg ponuđača za projektovanje i izvođenje utopljavanja objekta
- Ugovora o izvođenju radova projektovanja i utopljavanja školskog objekta.

Transfer sredstava će biti realiziran prema Izvođaču projektovanja i utopljavanja.

Sredstva će se isplatiti samo za one škole koje dostave uredne račune Izvođača. Zbog trezorskog poslovanja neće biti refundacije za već plaćene račune.

KORAK 2:

Vrsta aktivnost:

- Izvođenje radova utopljavanja školskog objekta i tehnički prijem izvedenih radova

Maksimalni iznos finansijskih sredstava za realizaciju ovih aktivnosti je 40.000,00 KM.

Uz Zahtjev za sufinansiranje aktivnosti u Koraku 2 dostaviti original ili ovjerenu kopiju:

- Zapisnik o tehničkom prijemu izvedenih radova sačinjen od nadležnog organa

Transfer sredstava će biti realiziran u punom iznosu prema Izvođaču radova utopljanja.

Sredstva će se isplatiti samo za one škole koje dostave uredne račune Izvođača. Zbog trezorskog poslovanja neće biti refundacije za već plaćene račune.

III FAZA – CERTIFICIRANJE

Vrsta aktivnosti:

- Izvođenje energetske certifikacije školskog objekta

Maksimalni iznos za sufinansiranje ovih aktivnosti je 10.000,00 KM.

Maksimalni broj certifikacija je 5 po godini.

Sufinansiranje će biti realizirano nakon dostavljanja urednog Zahtjeva i donošenja Odluke Vlade Kantona o dodjeli sredstava za realizaciju certifikacije školskog objekta.

Uz Zahtjev za sufinansiranje izvođenja energetske efikasnosti školskog objekta dostaviti original ili ovjerenu kopiju:

- Odluku o izboru najpovoljnijeg dobavljača za realizaciju certifikacije
- Elaborat o energetske efikasnosti, izrađen od ovlaštenog organa prema propisima Federacije Bosne i Hercegovine
- Energetski certifikat za školski objekat izrađen od ovlaštenog organa prema propisima Federacije Bosne i Hercegovine

Transfer sredstava će biti realiziran prema Izvođaču certifikacije školskog objekta.

Sredstva će se isplatiti samo za one škole koje dostave uredne račune Izvođača. Zbog trezorskog poslovanja neće biti refundacije za već plaćene račune.

5. POSTUPAK ODOBRAVANJA

Na osnovu Izvještaja o ocjeni i mišljenju Komisije, Ministarstvo za privredu predlaže Vladi Kantona donošenje Odluke o odobravanju dijela troškova audita, utopljanja i certifikacije objekta.

6. REALIZACIJA

Na osnovu Odluke Vlade Kantona o dodjeli sredstava, Ministarstvo podnosi Nalog za isplatu sredstava Ministarstvu finansija.

Broj: 04- /16

Zenica, .05.2016. godine

MINISTAR
Zvonimir Anđelić, dipl.ing. građ.